

IZVJEŠTAJ O PROVEDENOJ JAVNOJ RASPRAVI

U utvrđenom periodu trajanja javne rasprave na Nacrt Strategije (60 dana) subjekti javne rasprave dostavili su značajan broj primjedbi, prijedloga i sugestija i dostavljeni materijal je pažljivo sagledan, te su u Prijedlog Strategije uvrštene prihvatljivi prijedlozi, koji obzirom na svoju sadržinu i značaj su doveli do poboljšanja kvaliteta materijala te se kao takvi smatraju vrlo korisnim.

Primjedbe, prijedlozi i sugestije Kluba gradskih vijećnika Naše stranke

Prihvaćen je:

- prijedlog pod rednim brojem 5 koji se odnosi na finansiranje posjete penzionera kulturnim ustanovama;
- prijedlog pod rednim brojem 6 koji se odnosi na uvrštavanje rekreativnog sporta;
- prijedlog pod rednim brojem 7 koji se odnosi na saradnju sa općinama u cilju otklanjanja fizičkih barijera za kretanje osoba ograničenih fizičkih sposobnosti, te podrška biblioteci za slijepa i slabovidna lica kao i ostale ustanove kulture od značaja za BiH;
- prijedlog pod rednim brojem 8 koji se odnosi na prepoznavanje i nagradivanje izvrsnosti kod mladih.

Navedeni prijedlozi su prihvaćeni obzirom se uklapaju u ostale strateške planove te ne iziskuju velike i značajnije korekcije.

Primjedbe, prijedlozi i sugestije Etičkog vijeća Gradskog vijeća Grada Sarajeva

Prihvaćen je:

- prijedlog da se u dijelu Strategije koji se odnosi na naučno-istraživačku saradnju sa Univerzitetom planira djelovanje prema nadležnim institucijama da se promjeni i olakša sistem naučno-istraživačkog rada, kao i da se prilikom izrade spomenika od značaja koje finansira Grad Sarajevo, u dijelu idejnog rješenja, isti planiraju da održavaju visok standard estetske vrijednosti.

Navedeni prijedlozi su prihvaćeni iz razloga što se kroz plan Strategije već i podrazumijevaju, ali se izričito ne spominju.

Primjedbe, prijedlozi i sugestije Odbora za informatiku i telematiku Gradskog vijeća Grada Sarajeva

Prihvaćen je:

- prijedlog da se planira i izvrši digitalizacija objekata od kulturno-historijskog značaja sa naročitim akcentom na mostove (tačka 2.1.), te da se napravi informatička platforma koja će omogućiti da građani daju konstruktivne prijedloge i sugestije u cilju unaprjeđenja nadležnosti i aktivnosti Grada Sarajeva u svim segmentima njegovog rada te da se time poboljša direktna komunikacija građana sa gradskom administracijom (1.3.2)

Navedeni prijedlozi su prihvaćeni iz razloga što je ideja o predloženom već postojala u tekstu Strategije, ali nije bila uobičena na način kako je predloženo.

Prijedlozi, primjedbe i sugestije Odbora za javne službe, infrastrukturu i javni saobraćaj Gradskog vijeća Grada Sarajeva

Prihvaćen je:

- prijedlog da se Grad Sarajevo participira zajedno sa Kantonom Sarajevo u procesima povećanja energetske efikasnosti individualnih i kolektivnih objekata vlastitim budžetskim sredstvima putem sufinansiranja, a u skladu sa budžetskim mogućnostima.

Prijedlozi, primjedbe i sugestije Odbora za budžet i finansije Gradskog vijeća Grada Sarajeva

Prihvaćen je:

- prijedlog da se razmotri mogućnost razmatranja određenih novih izvora vlastitih prihoda Grada Sarajeva.

Prijedlozi, primjedbe i sugestije Privredne Komore Federacije BiH

Prihvaćen je:

- prijedlog da se izvrši zamjena riječi „punjači za električna vozila u Sarajevu” u riječi „unionice za električna vozila” te zamjena indikatora sa Ne u Da koji se odnosi na infrastrukturu eklektičnih automobila.

Prijedlog Privredne komore Federacije BiH je prihvaćen zbog podataka i detaljnog obrazloženja koje je Privredna komora dala u obrazloženju svog akta.

Prijedlozi, primjedbe i sugestije Odbora za urbanizam i upotrebu lokalnog zemljišta Gradskog vijeća Grada Sarajeva

Prihvaćen je:

- prijedlog da kao strateški cilj bude utvrđena obnova bob staze na Trebeviću;
- prijedlog da u sklopu strateškog cilja zaštite okoliša, u okviru mjere čista rijeka Miljacka, bude uvrštena zaštita izvorišta i sprječavanje kaptacije izvorišta te zaštita zraka;
- prijedlog da u okviru mjere 2.3.3. bude dodano – Ustupanje određenih prostorija Vijećnice za aktivnosti Nacionalne i univerzitetske biblioteke, kao i čitaonica za profesore i studente

Prijedlozi, primjedbe i sugestije Komisije za međunarodnu saradnju Gradskog vijeća Grada Sarajeva

Prihvaćen je:

- prijedlog da se u tekst Strategije uvrsti dio koji se tiče ostvarivanja kontinuisane saradnje sa Privrednom komorom Kantona Sarajevo i Turističkom zajednicom Kantona Sarajevo u vezi sa međunarodnom saradnjom.

Prijedlozi, primjedbe i sugestije Komisije za odnose sa vjerskim zajednicama i crkvama Gradskog vijeća Grada Sarajeva

Prihvaćen je:

Prijedlog da se u tekst Strategije uvrsti dio koji se odnosi na realizovanje postavljenih ciljeva u vezi sa turizmom i drugim pitanjima koji se tiču promocije ovog značajnog potencijala grada Sarajeva, uz adekvatnu saradnju sa drugim nivoima vlasti.

Prijedlozi, primjedbe i sugestije gradske vijećnice Marijele Hašimbegović

Prihvaćen je:

- prijedlog da se u PRIORITET 1.1. Borba protiv kriminala i korupcije - Mjera 1.1.4. , dodaju riječi „i saradnja sa Agencijom za prevenciju korupcije i koordinaciju borbe protiv korupcije
- prijedlog da se u SC 2 GRAD BUDUĆNOSTI I RIZNICA PROŠLOSTI doda Mjera 2.1.9. Sufinansiranje obnove i rekonstrukcije Narodnog pozorišta Sarajevo, djelimično je prihvaćena na način da je u Prijedlog Strategije uvrštena Mjera 2.1.9. pod nazivom „sufinansiranje i obnova objekata kulturnih i umjetničkih institucija

Naziv mjeru na ovaj način prilagođen je formi ovog strateškog dokumenta i obuhvata ove, za Grad Sarajevo važne institucije uz preciziranje načina i izvora finansiranja.

- prijedlog da se u PRIORITET 2.2. Zaštita okoliša i stvaranje uslova ugodnog urbanog življjenja u okviru Mjera 2.2.4. - Sprovođenje aktivnosti na pošumljavanju, umjesto riječi

„godišnje pošumljavanje“ dodaju riječi „Dva puta godišnje“, djelimično je prihvaćen na način da su dodane riječi. „, a u zavisnosti od objektivnih mogućnosti i dva puta godišnje“;

- prijedlog da se doda Mjera 2.2.8. Planiranje i izgradnja infrastrukture i tretman otpada radi proizvodnje energije (PRIORITET 2.2.);
- prijedlog da se doda Mjera 2.2.9. Planiranje i realizacija projekta zelenih krovova (PRIORITET 2.2.), djelimično prihvaćen, s tim što su navedeni i izvori finansiranja;
- prijedlog da se doda Mjera 2.2.10. Planiranje i realizacija Programa integriranih solarnih panela na javnim zgradama, stambenim ili privatnim kućama (PRIORITET 2.2.);
- prijedlog da se doda Mjera 2.2.11. Edukacija predstavnika obrazovnih institucija o uvođenju programa upravljanja otpadom (PRIORITET 2.2.);
- prijedlog da se u PRIORITET 2.3. – Sarajevo smartcity, doda mjera 2.3.5. Tehnička kultura;
- prijedlog da se u SC 5 GRAD HILJADU MOSTOVA, PRIORITET 5.1. – Razvoj kapaciteta, doda Mjera 5.1.7. Razvoj turizma temeljen na ponudi kulturnih institucija;
- prijedlog da se doda Mjera 5.1.8. Projekat „Advent u Sarajevu“ (PRIORITET 5.1.), uz dodavanje riječi „u saradnji sa Turističkom zajednicom Kantona Sarajevo“;
- prijedlog da se u PRIORITET 5.2. MEĐUNARODNA SARADNJA, DODA Mjera 5.3.5. Međunarodna gostovanja pozorišta.

U periodu javne rasprave zaprimljene su i primjedbe, prijedlozi i sugestije koje su gradonačelnici Grada Sarajeva, Gradu Sarajevu, upućene od Zavoda za planiranje razvoja Kantona Sarajevo, Kantona Sarajevo, Ministarstva za boračka pitanja Kantona Sarajevo i Općine Novo Sarajevo a koje nisu mogle biti prihvaćene, iz razloga što bi dostavljeno, u slučaju kada bi bilo prihvaćeno, dovelo do eventualne neusklađenosti ove Strategije sa Strategijom Kantona Sarajevo, a što bi u svojoj konačnici promijenilo strukturu i viziju Strategije razvoja Grada Sarajeva 2021. – 2027., što je u Uvodnom dijelu Prijedloga Strategije pobliže obrazloženo i to naročito u dijelu usklađenosti ove Strategije sa Strategijom većeg nivoa vlasti, zakonima i drugim propisima.

Pored toga, neki od prijedloga navedenih u aktu Općine Novo Sarajevo u određenom dijelu su već uvršteni u tekst Nacrta Strategije, kao što je slučaj sa prijedlogom da se projekat rekonstrukcije bob staze na Trebeviću uvrsti u dokument.

Na osnovu sumiranih rezultata javne rasprave, sačinjen je i utvrđen Prijedlog Strategije razvoja Grada Sarajeva 2021. – 2027.